



## KENYATAAN MEDIA

### SITUASI TERKINI JANGKITAN COVID-19

### DI NEGARA BRUNEI DARUSSALAM

29 Ramadhan 1441 / 23 Mei 2020

1. Kementerian Kesihatan ingin memaklumkan kepada orang ramai bahawa pada hari ini, Sabtu, 29 Ramadhan 1441H bersamaan 23 Mei 2020M, Alhamdulillah dengan izin Allah Subhanahu Wa Ta'Ala jua, **tidak ada kes baru** jangkitan COVID-19 telah disahkan di negara ini. Ini bermakna **jumlah keseluruhan kes COVID-19 di negara ini kekal seramai 141 orang.**
2. Sementara itu, **tidak ada kes** telah disahkan sembuh dari COVID-19 pada hari ini, menjadikan **jumlah keseluruhan yang telah sembuh kekal seramai 136 orang.** Oleh yang demikian, jumlah kes aktif yang masih dirawat di Pusat Pengasingan Kebangsaan pada ketika ini juga kekal seramai **4 kes.** Daripada jumlah tersebut, 2 daripadanya masih dalam keadaan kritikal. Walau bagaimanapun, hanya seorang sahaja yang masih memerlukan bantuan mesin tambahan *heart/lung machine* (ECMO) dan mesin pernafasan, manakala seorang lagi kini hanya memerlukan bantuan mesin pernafasan sahaja. Selebihnya adalah dalam keadaan yang baik.

3. Seperti yang dimaklumkan sebelum ini, seramai **2,679 orang** kontek kes telah menamatkan tempoh kurantin menurut Akta Penyakit Berjangkit Penggal 204 dan tidak ada sesiapa yang sedang menjalani kurantin pada masa ini. Walau bagaimanapun, terdapat 164 orang yang sedang menjalani pengasingan diri mandatori di pusat-pusat pemantauan yang disediakan oleh Kerajaan iaitu mereka yang baru tiba ke negara ini setelah melakukan perjalanan dari luar negara. Setakat ini, seramai **2,176** orang telah menamatkan pengasingan diri mandatori di kemudahan-kemudahan berkenaan.
  
4. Dalam tempoh 24 jam yang lalu, sebanyak **218 sampel** telah diuji bagi virus SARS-CoV-2 yang membawa jumlah keseluruhan ujian makmal dijalankan sejak Januari 2020 kepada **18,411 ujian**.
  
5. Seterusnya, berikutan makluman mengenai ***Bruhealth App***, Alhamdulillah setakat ini sejumlah **195,713 orang ramai** telah mendaftar sebagai pengguna aplikasi tersebut. Disamping itu juga, sejumlah 3,270 syarikat dan premis telah mendaftar kepada aplikasi tersebut. Dengan ini, orang ramai yang belum mendaftar adalah disyorkan untuk memuat turun dan mendaftar ke aplikasi **Bruhealth** tersebut. Kerjasama orang ramai dalam penggunaan aplikasi Bruhealth serta sentiasa mengimbas QR code di tempat keluar masuk

premis adalah diperlukan kerana ianya akan sedikit sebanyak memastikan keselamatan orang ramai termasuk penjual dan pelanggan terjamin disamping memudahkan Kementerian Kesihatan untuk membuat *contact tracing* sekiranya ada penularan jangkitan berlaku.

6. Di sini Kementerian Kesihatan ingin memaklumkan bahawa sidang media mengenai situasi jangkitan COVID-19 di negara ini tidak akan diadakan pada hari raya pertama dan kedua, dan akan disiarkan semula pada hari raya ketiga pada jam yang sama iaitu 4 petang.
7. Untuk maklumat lanjut dan perkembangan terkini, orang ramai boleh melayari laman web Kementerian Kesihatan iaitu **www.moh.gov.bn** atau menghubungi **Talian Nasihat Kesihatan 148** atau melalui aplikasi **BruHealth** atau **healthinfo.gov.bn**.

**Di kesempatan ini, saya bagi mewakili seluruh warga Kementerian Kesihatan ingin mengucapkan Selamat Hari Raya Aidilfitri Maaf Zahir dan Batin kepada seluruh umat Islam di Negara Brunei Darussalam. Semoga segala amal ibadah kita di sepanjang bulan Ramadhan diterima oleh Allah Subhanahu Wa Ta'ala jua. Bersama-sama kita doakan agar semua pesakit terutama sekali yang berada di Pusat Pengasingan Kebangsaan diberi kesembuhan sepenuhnya**

**dan agar Negara Brunei Darussalam sentiasa bebas dari  
wabak COVID-19.**

**Aamiin Aamiin Ya Rabbal Alamiin**

**- TAMAT -**

Rujukan : KK/PR/2

Tarikh : 29 Ramadhan 1441H / 23 Mei 2020